



## La prime App par consultâ in mobilitât il Grant Dizionari Bilengâl talian-furlan

Di discjamâ a gratis e di tignî te sachete par vê rispuestis sveltis e inzornadis. A son lis gnovis carateristicis dal Grant Dizionari Bilengâl talian-furlan (GDBtf) che, di cumò, si podarà consultâ no plui dome midiant i volums di cjarte, i cd o i computer, ma ancje di ducj i struments tecnologjics mobii (smartphone e tablet), in graciis di une grove app volude de ARLeF e disvilupade dal Claap (Centri di Linguistiche Aplicade).



Une novitât che e permetarà a ducj chei che a àn un smartphone iOS o Android, dopo vêle discjamade dai "store" uficiâi, di acedi in maniere svelte e in timp reâl ai miârs di lemis contignûts intal GDBtf (passe 70.000 lemis pal talian, che i fasin riferiment 68.000 lemis furlans).

Cun di plui, si podaran vê, in maniere periodiche, ducj i inzonaments e lis informazions su lis ativitâts de ARLeF.

Un strument di consultazion moderni, par ducj chei che a desiderin scrivi in maniere corete daûr des regulis de grafie uficiâl de lenghe furlane e di podê doprâ ancje par cirî i tiermins leâts al zûc dal balon e completâ cussi lis peraulis in crôs che o cjatais achì dongje. Bon divertiment!

## E cumò... zuie cun nô!

Met i nons tal scheme, daûr de lôr lungjece e des incrosaduris, sedi in sens orizzontâl che verticâl. Lis peraulis di dôs letaris no son segnadis.



10. Trasfieri
9. Cjapitani, fantasist
8. Autograf
7. Atacant, costruî, arbitri
6. Braûre, direzi, fuarce
5. Alenâ, ARLeF, cross, curve, garis, liste, sbaļç, titul, tunel
4. Aree, atac, bale, pîts, stop, timp, tirâ, Udin
3. Ale, fal, nûf, pâl, pas, rêt, rie, ros, sot, zâl